

Powšitkowne WOZJEWJENJA

njedźelu, 10. apryla 2022

Wusyłanje Božich službow

Serbskorěčnu Božu mšu móža wěriwi tutu njedźelu, bołmončku, 10. apryla, w 9 hodź. z Chróscic jako livestream scěhować. Boža mša zeleny štwórtk, 14. apryla, w 20.00 hodź., liturgija wulkeho pjatka, 15. apryla, w 15.00 hodź. kaž tež Boža mša w jutrownej nocy, sobotu, 16. apryla, w 20 hodź. so tohorunja jako livestream přenjesu. Linki na nje su w interneće pod www.posol.de a na wosadnej stronje podate.

Přiležnosć k swjatej spowědźi w Róžeńće

póndźelu, 11. apryla farar M. Anders, farar T. Dawidowski
18.30 – 19.30 hodź. farar G. Warnar, farar dr. M. Kleiner

wutoru, 12. apryla farar M. Anders, kanonik W. Sćapan
18.30 – 19.30 hodź. kapłan dr. J. Buliš, farar dr. B. Dittrich

Kóždy sobotu je do Božeje mše za lud a kraj, kotraž so we 8 hodź. zahaji, přiležnosć k swjatej spowědźi.

Młodžina na křižowy puć

Křižowy puć modli so dekanatna młodžina tutu njedźelu, bołmončku, 10. apryla, w Pančicach-Kukowje. Započatk je w 14.00 hodź. na klóšterskim dworje. Kóžda wosada njech přinjese swój młodžinski baner sobu.

Póstny wopor młodžiny

Lětuši póstny wopor młodžiny je za džěci a młodostnych na Ukrainje postajeny. Pjenježne dary měli so na konto Drježdžansko-Mišnjanskeho biskopstwa přepokazać, IBAN: DE 65 7509 0300 0008 2948 79, hesło: „Póstny wopor Ukraina“.

Požohnowanje motorskich

Popołdno z požohnowanjom motorskich zahaji so njedźelu, 1. meje, w 14 hodź. z nyšporom w Ralbičanskej cyrkwi. Přizamknje so zhromadny wulět.

Metody kubłanja dorosćenych

Kak wobdźělnikow na seminarach abo dalekubłanjach aktiwnje sobu zapřijeć? Tute a dalše prašenja k metodam kubłanja dorosćenych steja w srjedźišću kubłanja, kotrež wotměje so sobotu, 30. apryla, wot 9.30 do 17.30 hodź. w Smochčanskim kubłanišću swjateho Bena. Referentka budže Anja Köhler z Berlina. Dalše informacije kaž tež móžnosć přizjewjenja namakaja zajimcy na internetowej stronje Ewangeliskeho kubłanja dorosćenych Sakskeje (EEB), kotrež je sobuzarjadowar seminara. Link je pod www.posol.de wozjewjeny. Na zarjadowanju płaći regula 3G.

Energijowe rezerwy zaso napjelnić

Smochčanske kubłanišćo swjateho Bena přeprašuje zajimcow na kurs pod hesłom „Fit do nalěća – bazowe posćenje, wokřewjace pućowanje a žórło k čerpanju mocow namakać“. Tutón wotměje so wot štwórtka do njedźele, 21. do 24. apryla, w Smochćicach. Mjez druhim zeznajomja so wobdźělnicy z nowymi pućemi, kak móhli swójske energijowe rezerwy po zymje zaso napjelnić. Nadrobniše informacije dóstanu zajimcy w Smochćicach kaž tež na internetowej stronje kubłanišća. Link je pod www.posol.de podaty. Přizjewjenja přijimuju hač do njedźele, 10. apryla. Ličba wobdźělnikow je na dwanaće wosobow wobmjezowana.

TCM hromadźi pjenjezy za ukrajskich čěkancow

Towarstwo Cyrila a Metoda z.t. (TCM) hromadźi ze swojej akciju „Łužica pomha“ pjenježne dary za ukrajskich čěkancow w Pólskej. TCM přewostaji dary Cariće w Ełku. Jeje direktor prelat dr. Dariusz Kruczyński, wjele lět partner TCM, praji, zo pomhaja tuchwilu najbóle pjenježne dary. Trěbne twory za čěkancow móža sej w Pólskej kupić. Štóž chcył domapytanu ludnosć podpěrać, njech přepokaza pjenjezy na konto TCM: Cyrill-Methodius-Verein e.V., IBAN: DE 65 7509 0300 0008 2823 66, hesło: „Ukraina“. Štóž sej darowansku kwitowanku přeje, měł swoju adresu podać.

Jězba w lěću za šulerjow 5. do 8. lětnika

Dekanatne dušepastyrstwo džěci přeprašuje šulerjow 5. do 8. lětnika w lětnich prózdnicach na jězbu do Lückendorfa w Žitawskich horach. Wona wotměje so wot póndźele do pjatka, 15. do 19. awgusta. Přizjewjenja přijimuju hač do soboty, 30. apryla, online. Link je pod www.posol.de podaty.